



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_91

Տուգանք նշանակելու մասին

07.04.2021թ.

ք. Երևան

Քննելով տեսչական մարմնի ղեկավարի կողմից 2021թ. մարտի 04-ին «ԼԷՀ» ՍՊԸ-ի տնօրեն Փառանձեմ Գևորգյանի նկատմամբ հարուցված թիվ 11 վարչական վարույթի նյութերը (09.09.2020թ. թիվ 493-Ա հրաման, ստուգման ակտ թիվ 493-Ա կազմված 07.12.2020թ., խախտումների մասին 23.09.2020թ. արձանագրությունը, տուգանք նշանակելու մասին 16.12.2020թ. թիվ 332 որոշումը, բացահայտված խախտումների և թերությունների վերացման ուղղությամբ 07.12.2020թ. արձակված թիվ 28 կարգադրագիրը և այլ նյութերը).

Պ Ա Ր Զ Ե Ց Ի

Տեսչական մարմնի ղեկավարի 2020 թվականի սեպտեմբերի 09-ի N 493-Ա հրամանի հիման վրա Տեսչական մարմնի չափագիտական կանոնների և նորմերի վերահսկողության վարչության ծառայողները իրականացրել են համապատասխան ստուգում, որի արդյունքում պարզվել է, որ ՍՊԸ-ն զբաղվում է հեղուկ գազի մանրածախ վաճառքով և ստուգմամբ օրենսդրական չափագիտության ենթակա չափման միջոցները 01.02.2020թ.-ից մինչև ստուգման պահը ստուգաչափված չեն եղել և ծառայությունները մատուցվել են չստուգաչափված չափման միջոցներով: Միաժամանակ «Ստանդարտացման չափագիտության ազգային մարմին» ՓԲԸ-ի

ներկայացուցչի կողմից կատարված փորձաքննության արդյունքում հայտնաբերվել են շեղումներ:

Հայտնաբերված խախտումների վերացման ուղղությամբ 07.12.2020թ. արձակվել է թիվ 28 կարգադրագիրը, սակայն ՍՊԸ-ի տնօրեն Փառանձեմ Գևորգյանի կողմից չեն կատարվել կարգադրագրի պահանջները:

Փաստացի խախտվել են «Տեխնիկական կանոնակարգման մասին» ՀՀ օրենքի 28.3-րդ հոդվածի, «ՀՀ-ում ստուգումների կազմակերպման և անցկացման մասին» ՀՀ օրենքի 10-րդ հոդվածի պահանջները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 244 պրիմ 7 հոդվածով.

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել «ԼԷՀ» ՍՊԸ-ի տնօրեն Փառանձեմ Գեղամի Գևորգյանին /հասցե՝ ք.Երևան Շենգավիթ Չեխովի 11 բն.5/ և կիրառել «Վարչական իրավախախտումների վերաբերյալ» Հայաստանի Հանրապետության օրենսգրքի 188 հոդվածի 4-րդ մասով նախատեսված պատասխանատվության միջոցը, սահմանել տուգանք՝ 300.000 /երեք հարյուր հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ** տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

Ղեկավար՝



ԱՐՄԵՆ ԿՈՏՈՒՅԱՆ